

## **Assilialiorluni eqqumiitsuliorneq C - 2022**

### **1. Ilinniartitsissutip inissimanera**

Ilinniartitsissummi assilialiorluni eqqumiitsuliorneq eqqumiitsuliornermi assilissat pineqarput, tassa qalipakkat, qiperukkat, ilusilersuisarneq, eqqumiitsuliat ikkorsortukkat il.il.

Ilinniartitsissummi assilialiorluni eqqumiitsuliorluni sulineq paasisaqarfiusarpoq, ilinniartitsissummilu suliaqarnerit atuagarsornerlu ilaapput. Isigisanik misigisaqarnermik piffissaq, Kalaallit Nunaanni nunanilu tamani kulturi inuillu ataasiakkaat apeqqutaanerit misissorneqartarpoq, ilusilersuinerlutik, nalilersuinerlutik nassuiaasiornermullu tunngatillugu. Assilialioriaatsit assigiinngitsut suliarineqartarput, ilinniartitsissummilu pilersitsilersarnermik isigisanillu misigisaqarnermik ilinniartut tunngavissinneqartarput.

### **2. Ilinniartitsissummi siunertat**

#### *Ilisimasat piginnaasallu*

Assilialiorluni eqqumiitsuliornermik ilinniartut imatut ilisimasaqartigissapput imatullu piginnaasaqartigissapput atortut eqqumiitsuliorluni pilersitsinermit ilaasut ilisimassallugit.

Ilinniartut atortut isigisat tunngaviusumik nalilersorsinnaassavaat nassuiaasiornermullu.

Ilinniartut ilinniartitsissummi taaguutit tunngaviusumillu isummat imarisaa atorsinnaassavaat aammalu piffissani ilusilersuisarnerit toqqakkat ilisimassallugit.

#### *Iikkagaqartarnermi sulinermilu piginnaasat*

Ilinniartut suliaqarfimmi suliasat namminersorlutik suliarisinnaassavaat, takusallu pillugit oqaatsit oqaatigisinnaassallugit taakkulu pillugit qisuariaateqarsinnaassallutik.

#### *Inuttut inuillu akornanni attaveqatigiittarnermi piginnaasat*

Ilinniartut namminneq takusaminni oqaatsitik atorlugit attaveqarsinnaassapput, namminnerlu oqariartaatsitik qisuariarfigisinnaassallugit. Ilinniartut eqqumiitsuliat pillugit namminneq misigisatik nalilersuinerlu immikkoortissinnaassavaat.

#### *Kulturikkut inuiaqatigiillu akornanni piginnaasat*

Ilinniartut tunngaviusumik nalinginnaasumik perorsaasuunerat tunngavigalugu eqqumiitsuliat inuiaqatigiinni inissisimanerat nassuiarsinnaassavaat.

### **3. Iikkagassatut anguniakkat imarisaalu**

#### **3.1 Iikkagassatut anguniakkat**

Ilinniartut uku piginnaalissavaat:

- a) assilialiorluni eqqumiitsuliornermi tunngaviusumik taaguutit taakkulu isumaat pillugit atuneq ilisimasaqarnerlu takutissinnaassavaat, tassunga ilanngullugit atortut, qalipaait, ilusilersuinerillu,

- b) piffissani assigiinngitsuni oqaluttuarisaanermi eqqumiitsuliornerit naleqquttut atorsinnaassallugit,
- c) titartaanermi qalipaannermilu eqqumiitsuliornerinilu allani takutitseriaatsini sulinermit teknikkut assigiinngitsut atorsinnaassallugit
- d) assilissat assigiinngiiaartut nalilersorsinnaassallugit aamma
- e) eqqumiitsuliorluni assilialiornermi sammisat isummerfigisinnaassaallugit taakkulu qisuariarfigisinnaassallugit.

### **3.2 Ilinniartitsissutip imarisai pingaarnerit**

Ilinniartitsissutip imarisai pingaarnerit ukuupput:

- a) toqqissumi assilialiorluni, qiperuilluni, ilusilersuilluni ikkussortakkanillu eqqumiitsuliorluni allanilluunniit nassuiarluakkanik eqqumiitsuliornermi sammisanik suliaqarluni suliaqavilluni atuagarsorlunilu sulineq
- b) Kalaallit Nunaanni eqqumiitsuliornerup ineriartornera pisut pingaarutillit,
- c) 1750-ip siorna kingornalu eqqumiitsuliat toqqakkat, ukiunilu kingullerni 10-15-ini eqqumiitsuliat,
- d) Nalilersuilluni isiginneriaatsini pingasuusuni ukunani marluk: ilusilersuinermit nalilersuineq, isumaanik nalilersuineq aamma inuit attaveqatigiittarnerat tunngavigalugu nalilersuineq aamma
- e) Atueqqinnermi periusissiani assigiinngitsuni minnerpaamik marluk atorlugit suliaqavilluni atuagarsorlunilu sulineq, periutsillu taakku tunngaviinik isumaliuteqarnerit.

### **3.3 Ilassutitut ilinniakkat**

Ilassutitut ilinniakkani pingaarnertut ilinniakkat suliaqarfii luunniit nutaanik ilassutitut imatut itisilerneqassapput atassuteqartinneqalerlutillu, ilinniartitsissummi oqaluttuarisaanermi, maannakkut inuiaqatigiinnilu pisut erseqqissarneqarlutik. Ilassutitut ilinniakkani ilassutitut eqqumiitsuliat, suliat atugassanngortinneqartut, saqqummersitsinernut pulaarnerit, oqaluttuarisaanermi ilusilersuinermit takuniaalluni illoqarfimmi angalaarnerit il.il. ilanngunneqassapput. Ilassutitut ilinniakkat pingaarnertut ilinniakkatulli Kalaallit Nunaanni nunanilu tamani pissutsinut sapinngisamik annertunerpaamik atassuteqartinneqassapput.

## **4. Aaqqissuussineq**

### **4.1 Ilinniartitseriaatsimi periutsit**

- a) Ilinniartitsinerni ilinniartut ilinniakkani qaffasissusiat ilisimasaallu aallaavigineqassapput.
- b) Ilinniartitsineq imatut aaqqissuunneqassaaq ilinniartitsisut ilinniartullu akornanni ilikkagaqartarnermi oqaloqatigiittarnerattut sapinngisamik isikkulerlugu.
- c) Ilinniartitsineq imatut aaqqissuunneqassaaq ilinniartitseriaatsit assigiinngitsut paarlakaajaanneqassallutik.

- d) Ilinniartitsineq imatut aqqissuunneqassaaq ilinniartut soqutigisaat pisariaqartitaallu isiginiarneqassallutik, taamaalilluni ilinniartut ilinniartitsissutip pissanganartuuneranik, naleqquttuuneranik soqutiginarartuuneranillu misigisaqarnissamut periarfissinneqassallutik.
- e) Ilinniartitsineq imatut aqqissuunneqassaaq ilinniagaqarnerup ingerlanneqarnerani sammisanilu ineriartortitsineri ilinniartitsissut siuariarfiussalluni, tassa ilinniartitsissummi oqaatsit oqariartaatsillu ineriartorfiussallutik, taamaalilluni ilinniartut namminneerlutik suleriaaseqarnissamik ajornakusoortunillu eqqarsartarnissamut piffissap ingerlanerani sungiusarneqassallutik.
- f) ilinniartitsineq imatut aqqissuunneqassaaq inuiaqatigiinnut avatangiiserisanut annertunerpaamik attuumassuteqalersillugu.

Ilinniartitsineq aqqissuunneqassaaq ilinniartitsisup aqutsineraniit namminersorluni sulinerit nuukkiartorneqarluni. Ilinniartut ilinniartitsineri eqqumiitsuliornermi isiginneriaatsit assigiinngitsut pillugit nammineerlutik apeqquteqarnissamut kajumissaarneqassapput. Ilinniartut ilinniartitsissummi taaguutinik atuinissamut ilinniartitsissummi sammisat pillugit oqaluttariarsorluni oqaaseqarnissamut kajumissaarneqassapput. Ilinniartitsineri sulineri immikkoortut atuagarsornermut naleqquttumut tulluussarneqassapput ataqatigiissarneqarlutillu, taamaalilluni atuagarsornermi sulinermilu sammisani ajornartorsiutit immikkut tamarmik misissorneqassallutik. Sulianik suliaqarneq tasaaneruvoq ilikkagassatut anguniakkat anguneqarnissaannut atorneqartussaq.

## **4.2 Suleriaatsit**

Ilinniartitsissummi suleriaatsini klassimi ilinniartitsinerup suliaassanillu suliaqarnerup akornanni nikerartinneqassaaq. Atassuteqatigiittarnermi assilissat ajornanngitsut aammalu atuagarsornermi immikkoortunik takussutissiineq suliarineqassapput. Ilinniartitseriaatsini ilinniartut ilinniartitsissummi oqaatsini, qisuariaateqartarnermi takusanillu eqqarsariarsinnaassusaat ineriartortinneqassapput.

Suleriaatsinut tamanut assigiissutaavoq sulineq suliaakkiissutinillu sulinerit, tassa paasiniaaneq, toqqaaneq, toqqaqassanik toqqaanngiinnarneq angusallu, pooqattamut tamarmik katersorneqartussaananerit. Assilissat atuakkallu aamma pooqattamut katersorneqassapput.

Ilinniartitsineq imatut aqqissuunneqassaaq ilinniartut ilinniartitsineri oqaatsinik siullertut oqaasillit aappaattullu oqaasillit isiginiarneqarlutik.

Ilinniartut suliaat sapinngisamik annertunerusutigut inip ilinniarfiusup avataani avatartumik saqqummiunneqartassapput.

## **4.3 It**

